

中華民國十七年十月出版

著作者 浙江中醫專門學校校友會

印刷者 青 白 印 刷 社

序

語云不登衆山之顛不知天之高不瞰衆谷之深不知地之厚獨學無友雖讀破古人萬卷書終不能起古人而面質仍不異兩葉掩目而冥然無覩雙珠填耳而寂然無聞者此校之所以貴乎有友友之所以貴乎有會取其合衆力以共同研究交換知識也然而有合衆之力尤貴有積久之力靈珠如豆不見其長疊歲而大鏡舌如指不覺其損累時而折懸崖滴溜終能穴石規車牽索卒然斷軸水非石之鑽繩非木之鋸而能斷穴者

積力使然耳此逐年年刊之所以不容間斷也吾校年刊自第一期至第三期早已出版今第四期又編輯告竣徵序於余展讀一過覺諸友鴻篇巨著美不勝收由後較前歷年來實有蒸蒸日上之勢非有合衆力兼有積久力之明證哉由是吳籛質勁加筭羽而益美越劍性利加淬厲而益銛後之勝今亦猶今之勝昔吾於是更望拾級而上且將登峯造極焉

中華民國十七年九月下澣瀨園傅崇黻誌

浙江中醫專門學校校友會年刊第四期

目錄

攝影

本會第八次常年大會攝影

學說

懶園語錄

王治華錄

答王治華問二則

答邵琦問三則

答楊慶鴻問二則

答宋義人問一則

答許智法問一則

適廬隨筆

施稷香

血流

十戒

天癸新義.....費澤堯

成氏寒傷營風傷衛辨正.....孔藹如

治虛勞以老壯分難易之我見.....王治華

評葉天士溫熱論.....孔藹如

傷寒方中註家之兩失觀.....費澤堯

對於虎疫所見之一斑.....許勤勛

病非醫藥所能獨治之商榷.....王治華

腫脹病理論.....潘江

太陽病項背強几無汗惡風葛根湯主之辨.....樓仁壽

溫邪入營之見症治法與氣虛見症治法之商榷.....朱執璜

醫學自由談

宋義人

頭風怕冷非真寒而用辛溫藥每有小效之我見

朱執璜

論太陽陽明正陽陽明少陽陽明

許智法

眩暈論治

許燮欽

醫案

嚴指視室驗案

王治華

治曹昌榮妻產後腹痛案

治妊娠濕熱重症案

治八弟婦頭痛案

血證治驗錄

樓仁壽

醫貴實驗說

許勤勛

伏暑晚發誤作瘧疾之治驗

朱執璜

陰虛咳嗽疾中帶紅治驗.....朱執璜

腫脹治驗.....朱執璜

陰虛夾濕之治案.....宣揖善

交腸證治略.....宣揖善

疸病治案.....宣揖善

治脾虛火衰久瀉證案.....宣揖善

暑溼夾食之治案.....宣揖善

頭疼奇治案.....陳乃麟

文苑

詩

校友楊慶鴻集藥名爲詩見而技癢戲作兩律和之..... 懶園

端午日卽景

防風國紀游

輓陳某貧病人死家破絕句二十四首	孔藹如
臨沂大沙溝道中偶成	前人
戊辰中秋天池椅欄口號	炳然
寄友	前人
春前有感	姚春臺
閒居學畫	前人
深秋咏菊	徐究人
烏私吟	王治華
初夏來校集藥名吟成一律	楊慶鴻
冬至節歸舟感詠	前人
舟中卽景	前人

丁卯九月秋歸有感..... 仰宗文

贈新聞記者..... 前人

植樹節過萬松嶺見荒塚有感..... 丁耿星

祝朱師七十壽..... 林來旺

詞

滿江紅自題小影..... 孔藹如

浪淘沙暮春..... 姚春臺

附錄

東洋醫道會宣言書規則及臺北漢藥業組合臺灣贊助員趣

意書..... 李天才投

校友錄



懶園語錄

畢業生王治華記錄

答王治華問二則

問覽朱丹山痲症集成。知痘出五臟屬陰主血。痲出六腑屬陽主氣。固矣。而謂孕婦患痘胎落而母易亡。痲則胎去而母易存。其故何歟。

答曰。此正惟痘屬陰。主血。痲屬陽。主氣。故也。婦人一經胎孕。而月事不至者。因其血養胎也。若更因痘傷血。胎既失其所養。故易落下。又不免亡血。故血絕。血絕則易死。理固然也。痲症屬陽。主氣。痲又屬火。火熱則血行最易。墜胎。但血本不傷。雖胎下而亡血過多。苟不用溫燥之藥。以傷氣。則氣血兩不至絕。故胎去而易存。但此亦指大略而言耳。證之變化。不能一定。亦當隨時論事。不宜膠柱鼓瑟也。

又問藥物有相忌畏惡反之戒。誤則害人。如甘草與甘遂芫花相反。而仲景甘遂半夏湯。治心下留飲堅滿脈伏症。則甘草與甘遂同用矣。朱丹溪蓮心散。治屍瘵。則甘草與芫花同用矣。人參惡皂莢。東垣交泰丸用以理脾胃。瀉陰火。非參皂同施乎。巴豆畏牽牛。古方感應丸用以攻堅破積。非巴牛共施乎。人參畏五靈脂。古人於四物湯加人參靈脂以治血塊有效。細辛叛藜蘆。先賢於二陳湯加藜蘆細辛以吐風痰多驗。諸如此類。不勝枚舉。繇是言之。則忌畏惡反之說。有不足信耶。抑又何耶。生頗疑之。

答曰。藥物反惡畏忌。自古懸爲例禁。豈可輕犯。但名家用藥。往往有取其相反以立功者。實有深意存乎其中。非無故而妄犯之也。仲景治心下留飲。甘草與甘遂同用。李時珍云。腎主水。凝則爲痰。飲溢則爲腫脹。甘遂能泄腎經濕氣。治痰之本也。仲景與甘草同用。取其以相反立功者。正以甘草之甘平制甘遂之苦毒耳。劉河間保命集云。凡水腫服藥未全消者。以甘遂末塗腹。繞臍。令滿服甘草水。其腫便去。又王璆

百一選方云。脚氣上攻。結成腫核。及一切腫毒。用甘遂末水調敷腫處。卽濃煎甘草汁服之。其腫卽散。清流韓詠脚氣。用此一服。病去七八。再服病愈。二物相反。而感應如此。可見古人處方。實有深意存乎其中。非無故而妄用也。此外如丹溪東垣諸方。皆可類推。但學識不及古人者。不宜妄學。所謂學柳下惠之可。不如學魯男子之不可耳。

答邵琦問三則

問、吾邑城內有名醫王君。一日與生談及飲食衛生。據云羊腎猪腎等物。凡吾青年時代。不宜多吃。因此類性質甚寒。有冷精絕生育之能力。是否確論。其學理上之究竟。請夫子斷言以明之。

答曰。腎有內腎外腎之別。內腎卽俗稱腰子是也。外腎卽卵。俗稱猪腎羊腎。卽方書所謂猪石子羊石子是也。牡猪小時多闔去。所留無多。故肉店不賣。亦無人食。消渴方及產後蓐勞方用之。卽石子湯是也。羊外腎卽俗稱羊腎。羊肉店賣之。多充餽品。

能治腎虛精滑。時珍金鎖丹用之。若豬內腎（俗名豬腰）氣味鹹冷。雖能補腎。但久食令人傷腎絕嗣。王君所謂冷精絕生育者。殆指此耳。此物冬月尤不可多食。多食則損人真氣。至於羊內腎（俗名羊腰）氣味甘溫。實能補益精髓。壯陽益腎。與豬內腎不同。但今人所食之豬腰。羊腰。確皆有損無益。無他。生食故耳。大凡腰子。煮一小。時。則。生。煮。一。週。時。則。熟。煮。一。小。時。則。堅。硬。如。石。非。齒。所。能。摧。廢。煮。一。週。時。則。酥。入。口。即。化。今。人。所。食。皆。用。滾。湯。一。沸。便。食。往。往。內。中。有。血。實。與。生。吃。無。異。不。獨。豬。腰。有。礙。衛生。即。羊。腰。亦。何。獨。不。然。所以衛生家食腰子。必須於今日何時下鍋。文火煮至明日此時取食也。

又問金匱有云。有未至而至者。有至而不至者。有至而不去者。冬至後甲子夜半少陽起。陽始生。按古歷之節序。與支干絕不相合。如今年之冬至。至明年之冬至。其爲日必須三百六十五。又約四分之一。其中甲子有六。而近冬至之甲子。必每年移遲約九時許。年份愈多。則去冬至愈遲。譬如今年冬至適當甲子。而明年之甲子。必在

冬至後約九時許。十年後爲九十時。百年後爲九百時。依此計之。則八十年後。必較冬至遲兩月矣。在此八十年之中。必有冬至後一日卽爲甲子者。亦有甲子在冬至五十九日後者。冬至後一日卽爲甲子。其少陽之起。卽在冬至後一日之半夜乎。冬至前一日爲甲子。豈必待冬至五十九日後之夜半始能少陽起而生陽乎。此中深義。乞吾師明示以釋生疑。

答曰。是不可以執一論也。天道動而無常。節有遲早。月有大小。歲有閏與無閏。豈可呆板計算哉。試卽近三年而論。去年丙寅歲冬至在十一月十八日。第一甲子在十二月二十七日。相隔有三十九日。今年丁卯歲冬至在十一月三十日。第一甲子在明年戊辰歲正月初三日。相隔只三十三日。明年戊辰歲冬至在十一月十一日。第一甲子在十二月初九日。相隔只二十九日。豈可照每年移遲九時許計算乎。素問六節藏象論曰。天以六六爲節。言以二十四節氣之遲早定六六三百六十日之天氣也。又曰。大小月建三百六十五日而成一歲。積氣餘而成閏矣。言以月建分大小。

又小月不足之數積六十四氣而置一閏月也。又曰立端於始。表正於中。推餘於終。而天度畢矣。言立首氣於初節之日。示斗建於月半之辰。推餘閏於相望之後。是以閏月之前氣不及月。閏月之後月不及氣。故常月之制。建初立中。閏月之紀。無初無終。皆他節氣也。經云日六竟而周甲甲六復而成歲者。但言其常耳。豈可執此一語以論變化無窮之天道乎。

又問靈樞經正月六月爲太陽。二月五月爲少陽。三月四月爲陽明。太陽之本爲寒水。六月之太陽。其本與正月之太陽無少異乎。少陽之本爲相火。二月之少陽亦爲火本乎。陽明之本爲燥金。此時正當雨水穀雨與清明時節雨紛紛之候。且燥金爲秋氣。而陽明正在春夏之交。是何理解。冬至一陽生。爲陽氣之祖。稱冬爲太陽。則標陽本寒。理尙近是。而風木本在春。厥陰乃在九十月。又作何解。夏至一陰生。爲陰氣之祖。稱仲夏爲太陰。則標陰而本濕。理尙近是。而君火本在夏。少陰乃在八月。又作何解。細推經書所論五行之配二十四節。與六氣之在十二月。絕不能相提並論。且

不相統屬。又不相符合。其故安在。請吾師剖明示生。

答曰。是又不可以執一論也。古人立法以垂教後人。原示人以活潑潑地。不願學者膠柱鼓瑟。刻舟求劍也。夫五行之配二十四節氣。與六氣之在十二月。如十二月大寒日起。至二月春分日止。爲初之氣。二月春分日起。至四月小滿日止。爲二之氣。四月小滿日起。至六月大暑日止。爲三之氣。六月大暑日起。至八月秋分日止。爲四之氣。八月秋分日起。至十月小雪日止。爲五之氣。十月小雪日起。至十二月大寒日止。爲終之氣。此逐年主氣之靜而守位。不動不變者也。若客氣則合天道之動而不靜。動則變。變則化。不能拘執一端以論統屬而求符合也。按六氣主歲。初之氣厥陰風木。二之氣少陰君火。三之氣少陽相火。四之氣太陰濕土。五之氣陽明燥金。終之氣太陽寒水。而四時調神論。又以少陽主春。太陽主夏。太陰主秋。少陰主冬。脈解篇曰。正月太陽寅。寅太陽也。厥陰者辰也。陽明者午也。少陽者申也。少陰者戌也。太陰者子也。而陰陽繫日月篇。又以寅未主少陽。卯午主太陽。辰巳主陽明。申丑主少陰。酉